

IIB MA GALO

FAAFIN

RASMI AH

الرسمية



الجريدة

JAMHUURIYADDA DIMOQRAADIGA SOOMAALIYA

Sannadka 17aad Muqdisho 15ka Febraayo 1989 L. 1 R 2

جريدة شهرية

FAAFIN BIL SOO BAXA

Laanta Faafinta Rasmiga ee Madaxtooyada J. D. Soomaaliya

QIIMUHU: waa 5 shiin lambar wajiba — **RUKUNKA:** Sannadka waa Sh. 100 Soomaaliya guudaneeda — qoraalka waa Sh. 300. Rukunka 1 aweyuuqso wuxuu ka baaqdaa 1 Jamuuro, Qimnaha qoritaanku F.R. halkan saddar iyo waxii ka yar waa 2 Sh. — Rukunka iyo qoritaanku waxa la wajihiyaa Laanta Maamulka Faafinta Rasmiga ah — Lacagta waxaa ugu dixinayaa Xariska Canshuuraha ee Wasaarada Lacagta.

KOOB NIIN

QAYBTA KOWAAD

SHARCI

- SHARCI L. 2 ee 26 Jan. 1989, Sharciga Mihnada gaarka ah ee Takhaatirta, iyo Xannaaqada Xoojaha. Bog; 60
- SHARCI L. 3 ee 26 1989, Fasaxid soo dejinta iyo ka ganacsiga daawada iyo qalabka X/ha. » 65
- SHARCI L. 4 ee 26 Jan. 1989, Ganacsiga Harigaha iyo Saamaha » 67
- SHARCI L. 5 ee 26 Jan. 1989, Sharciga Badda Soomaaliyeed. » 68
- SHARCI L. 6 ee 26 Jan. 1989, Fasaxid adeegyada gaar ahaaneed ee Gaadiidka Badda. » 69
- SHARCI L. 7 ee 26 Jan. 1989, Oggojaansho Ba

QAYBTA KOWAAD

S H A R C I

Sharcj Lambar 2 Tr. 26 Jan. 1989 Sharciga Mihnadda Gaarka ah ee Takhaatiirka Caafimaadka & Xan/da Xoolaha.

MADAXWEYNAHA J.D.S.

ISAGOO TIXGELINAAYA: Oggolaashaha Golaha Shacbiga

WUXUU SOO SAARAYAA

Sharciga Soo Socda:

Qodobka 1aad

Fasjixidda Furitaanka Mihnadda Takhaatiirta Xoolaha Waxaa La fasaxay furitaanka Mihnadda gaarka ah ee Takhaatiirta Caafimaadka iyo Xannaanada Xoolaha iyo ka talo bixinta dhaqmada habboon ee Xoolaha (Consultance).

Qodobka 2aad

Ujeeddada Fasaxidda Furitaanka

Ujeeddada Furitaanka Mihnadda gaarka ah ee Takhtar-nimadu waxay tahay in lagu baahiyo Xoolo dhaqatada Soo maaliyeed daaweynta iyo Xannaanada Xoolaha.

Qodobka 3aad

Dadka Loo Oggol Yahay Mihnadda

Mihnadda Gaarka ah ee Takhtar-nimada Xoolaha waxaa ku shaqaysan kara Takhaatiirta Dawladda, waqtiyada ka baxsan saacadaha shaqada iyo kuwa iskood u madax banaan ee oo fiya shuruudaha ku tilmaan qodobada soo socda:

Qodobka 4aad

SHURUUDO

Qofka Mihnadda Gaarka ah ee Takhtar-nimada ku shaqaynaya waa in uu buuxiyaa shuruudaha hoos ku taxan:

- b) Waa in uu Soomaali yahay.
- t) Waa in uu haystaa Shaabado Jaamacadeed (Laurea) ee daaweynta ama Xannaanada Xoolaha oo Dalka Laga aqoonsan yahay.
- j) Waa in uu leevahay khibrad Takhtar-nimo oo aan ka yareen 5 sano oo uu ku kasbaday Dalka gudihisa ama dibeddiisa

Qodobka 5aad

Takhtarka Xoolaha iyo Xannaaneyntooda ee buuxiya shuruudaha sharcigan ku tilmaaman (qodobka hore) ee raba in uu ku shaqeeyo Mihnadda gaarka ah ee Takhtarnimada, wuxuu Wasiirka Xannaanada Xoolaha u qoranyaa codsi. Codsiga waa in lagu soo lifaaqaa.

I) Laba Sawir.

II) Nuqulka Shahaaddada Jaamacadda iyo haddii uu Leeyahay Shahaado/Diploma Takhasus.

III) Qoraal gaar ah oo tilmaamaya goobta iyo rugta Shaqo iyo tas-hiilaadka yaaja.

Qodobka 6aad

OGGOLAANSHO

1. Wasiirka Xannaanada Xoolaha, Dhirta iyo daaqa, ka dib markuu dhegeysto talada Guddiga Diiwaan-geljinta Takhaatiirta ee Wasaaradda, ayna u sugnaato in codsadhaha ay u dhammeystiran yihiin shuruudaha sharcigani tilmaamayo, wuxuu u oggoaanayaa Mihnadda gaarka ah ee Takhtarnimada Caafimaadka iyo Xannaanada Xoolaha.

2. Wasiirku wuxuu codsiga ku diidi karaa go'aan saba-beysan, ka dib markuu dhegeysto talada Guddiga Diiwaan-geljinta, waxaana go'aanka la gaarsiinayaa codsadhaha muddo 15 maalmood gudahood, laga bil'aabo taariikhda go'aanka.

Qodobka 7aad

RUQSADDA GOOB SHAQO «SHATI»

1. Mihnadda Gaarka ah ee Takhtarnimada iyo Caafimaadka Xoolaha waxaa loo qaadanayaa ruqsad goob shaqo (Shati).

2. Dawladda Hoose waxay Takhtarka ruqsad u siineysaa:

b) In uu furto rugta sare u qaadidda tayada iyo teknolojiyada Xoolaha iyo digaagga (attivita, sootecniche).

t) In uu furto rug caafimaad ama bukaan socod (vet. clinic)

3. Dawladda Hoose waxay ruqsadda goob shaqo siin kartaa Takhtarkii haysta fasaxa Wasiirka ee ku tilmaaman qod

Qodobka 8aad
QAABKA RUGTA

1. Rugta Lagu fuliinaayo shaqada Takhtarnimada waa in ay noqotaa mid xagga farsamada, dhismaha iyo degaan kaba u qalanta Mihihadda.

2. Rugtu waa in ay ugu yaraan qol baariis, qol maqaasiin daawo, musqul. waana in uu lahaadaa deyr wareegsan.

Qodobka 9aad

DAAWOYINKA & QALABKA SHAQO EE GAARKA AH
Takhtarka Caafimaadka Xoolaha ama Takhtarka Xannaanada Xoolaha wuxuu dibedda ka dirsan karaa daawooyin gaar ah qalab ama biyological chemicals ee baahidiisa shaqo oo aan heer ganacsi geli karin waana in looga helaa ruqsad Wasiirka Xannaanada Xoolaha, Dhirta iyo Daaga.

Qodobka 10aad

Cinwaanka goob shaqo iyo Diiwaangelinta Xoolaha.

1. Takhtarku wuxuu warbixinnadiisa codsivada iyo tilmaamaha daawada (ricetta medica) iyo wixii kale ee shaqada la xiriira u sameynavaa warqado gaar ah oo ku daabacan maqaciisa iyo cinwaanka goobta shaqo.

2. Wuxuu kaloo sameynavaa diiwaan lagu goro xoolaha bukaan socodka ah ee lagu eego ruutiisa.

Qodobka 11aad

Khidmadda Takhtarka

Khidmadda Takhtarku ku fulinayo hawlihiisa waxaa lagu soo saarayaa Xeer Wasiir.

Qodobka 12aad

Fasaxka Qaadid

1. Fasaxa Wasaaradda ee Mihihadda gaarka ah ee Takhtarnimada waxaa laga qaadayaa Takhtarkil.

b) Ka soo bixi waaya shuruudaha bixinta ruqsadda Mihihadda.

- t) uu ku dhaco xukun maxkamadeed oo reebaya xil Guud oo xirfadda la xiriirta.
 - j) ku xad gudub anshaxa Takhtarnimada (vet. ethics)
2. Fasax ka qaadidda waxaa lagu guddoominayaa go'aan sababeysan oo Wasiirku soo saaro, isagoo dhegeystay talada Guddiga.

Qodobka 13aad
Diiwaanka Mihnadda

1. Waxaa jiraya diiwaan lagu magacaabo diiwaanka Mihnadda gaarka ah ee Takhtarnimada.
2. Diiwaanka waxaa lagu qorayaa magaca takhtarka oo buuxa, shahaadooyinkiisa, taariikhda fasaxa la siiyey, goobta iyo hadba isbeddelka ku dhaca iyo wixii kale oo tilmaamo ah, Mihnaddana khuseyn kara.

Qodobka 14aad
Guddiga Diiwaan-gejinta iyo Kormeerka.

1. Wasaaradda waxaa laga dhigsayaa guddiga diiwaan-gejinta iyo Kormeerka, Wasiirka ayaana magacaabaya sanadkiiba hal mar waxaana laga dhex xulayaa takhaatiirta waayo aragnimada leh ee Dalka.
2. Guddigu wuxuu talo ka bixinayaa.
 - b) codsiyada Mihnadda gaarka ah ee Takhtarnimada.
 - t) Anshax-marjinta Takhaatiirta ku shaqeeya Mihnada
3. Guddigu wuxuu awood u leeyahay in uu talo toos ah ka soo jeediyo goobta shaqo ama Takhtarka uu u arko inuu san buuxineynin shuruudaha sharcigan ku tilmaaman, una gudbiyo Wasiirka si looga qaado talaabada ku habboon.
4. Guddigu wuxuu yeelan doonaa xoghayn.

Qodobka 15aad
ANSHAX, MARINTA

1. Awoodda Anshax-marjinta waxaa leh Wasiirka Xannaanada Xoolaha, Dhirta & Daaqa wuxuuna guddoominayaa marka uu dhegeysto talada Guddiga Diiwaan-gejinta & Kormeerka ee Wasaaradda

2. Takhtarkii ku xad gudba tilmaamaha sharciga lagu jideeyey, haddii uusan falkisu keeneynin dembi ciqaab ah ama ka joojin Minnadda Takhtarnimada ee gaarka ah waxaa lagu ganaaxayaa sh.so. 10.000 iya sh.so. 15.000 hadduse Takhtarku isla dembigaas uu mar kale ku laabto, waxaa lagu joojinayaa Minnadda gaarka ah muddo aan ka yareen 6 bilood iya hal sano.

3. Lacagta ganaaxa ah waxaa lagu shubayaa khasnad da dhexe ee Dawladda.

Qodobka 16aad

XEER WASIIR

Wasiirka Wasaaradda Xannaanada Xoolaha, Dhirta iyo Daaqa waxaa awood loo siiyey in uu xeer wasiir ku soo saaro tilmaamo ammeystiraya ama habeynaya Minnadda gaarka ah ee Takhtarnimada Caalamnada iyo Xannaanada Xoolaha, isagoo dhowraya sharcigan iyo shuruucda kale ee saameeya Minnadda gaarka ah ee Takhtarnimada.

Qodobka 17aad

BURIN SHARCI

Waxaa la buriyey sharci kasta oo ka soo horjeda amaan la socon karta sharcigan.

Qodobka 18aad

Sharcigan wuxuu dhaqan gelayaa Isla marka uu saxiix Madaxweynaha J.D.S. Waxaana lagu soo saarayaa Faafinta Rasmiga ah ee Jamhuuriyadda.

Muqdisho, 26 Jan. 1989.

MADAXWEYNAHA J.D.S.

Maxamed Sijaad Barre.

Sharci lambar 5, taariikh 26 Jan. 1989: Sharciga Badda Soomaaliyeed.

MADAXWEYNAHA JDS

ISAGOO TIXGELINAAYA: Oggolaanshaha Golaha Shacbiga;

WUXUU SOO SAARAYAA

Sharciga soo socda:

Qod. 1aad

Waxaa la oggolaaday Sharciga Badda Soomaaliyeed ee halkan ku lifaaqan.

Qod. 2aad

Waxaa la burivey Sharciga Badda lambarkiisu yahay 1 ee 21 Febraayo 1959 iyo Sharci kasta ama Xeer-nidaamive kasta oo ka soo horjeeda ama aan la socon karin Sharcigan.

Qod. 3aad

Sharcigan wuxuu dhacaa gelavaa lixdan maalmood kadib marka lagu soo saaro Faafinta Rasmiga ah ee Jamhuuriyadda.

Muqdisho, 26 Jan. 1989

MADAXWEYNAHA J.D.S.

(Maxamed Siyaad Barre)